

摘藻堂四庫全書薈要

集部

欽定四庫全書薈要

御定歷代題畫詩類卷六十二目錄

仙佛類

避暑城西觀吳道子畫老君像

宋謝翱

自題畫老子圖

明宋登春

題老子像

明陳繼儒

老子出函谷圖

明徐渭

題黃帝廣成子問道圖

明程敏政

彭祖觀井圖

明吳寬

題劉節使所藏顯宗御畫莊子像

元丘處機

莊子觀泉圖

明陳憲章

列子御風圖

明徐渭

題王內翰家李伯時畫太一姑射圖

宋韓駒二首

太一蓮舟圖

元元好問三首

太一真人蓮葉圖

元吳澄

太一真人歌題蓮舟圖

元李孝光

題太一真人蓮葉舟圖

元唐肅

包與真題太一真人圖

明劉基

太一真人圖

明程敏政

李伯時姑射仙像

明桑慎

楊真人錄中像

唐鮑溶

許旌陽贊

宋白玉蟾

題謔母授道許旌陽圖

元柳貫

跋祁真人畫像

元王惲

奉和虞學士賦上清劉真人畫像
元倪瓚二首

吳道子畫四真君
宋蘇轍

十二月廿二日為重陽王真人誕辰是日立春在

淞江長春道院瞻拜真人及七真像敬題薛一

山丹房
元王逢

三仙傳道圖
明丘濬

畫三仙
明康海

五老圖歌
明顧璘

五老圖

明廖道南

題五老圖

明楊慎

赤松圖

宋姜夔

赤松二仙圖

元吳師道

題廣微天師升龍圖

元錢惟善

張道玄天師畫降龍圖

明王淮

題顧愷之畫黃初平牧羊圖贊

宋蘇軾

登邛州譙門門三重其四偏有神仙張四郎畫像

張蓋隱白鶴山中

宋陸游

三朵花

宋蘇軾

題長春子自畫

宋林景熙

李少和像

宋王十朋

虛靖先生像贊

宋白玉蟾

天師侍宸追封妙濟真人林靈素像贊

宋白玉蟾

崇真宮醮罷敕畫吳宗師像

元貢師泰

謝自然像

元鄭元祐

題紙衣道者圖

金密公璫

馬雲卿畫紙衣道者像

元元好問

沖虛侍宸王文卿像贊

宋白玉蟾

金蓬頭先生畫像贊

元張雨

金蓬頭先生畫像贊

元趙奕

金蓬頭先生畫像贊

元鄭元祐

題白玉蟾像

元虞集

海陵觀徐神翁像

明湯顯祖二首

欽定四庫全書薈要卷一萬九千一百七十

集部

御定歷代題畫詩類卷六十二

仙佛類

避暑城西觀吳道子畫老君像

宋謝翱

濕煙掛龍天海頭角城溽暑如炎州白氛翳景失樓閣
蓬萊縹緲不可求解衣揮塵子城下地湧青蓮鄰古社
卷簾看畫人猶龍矯首見龍還見畫碧幢髮雪垂過耳
弄筆者誰吳氏子

自題畫老子圖

明
宋登春

函谷關西幾度遊至今紫氣未全收
青牛老子頭如雪莫怪山人浪白頭

題老子像

明
陳繼儒

老子尚白頭何人髮不秋
不如一爐火端坐碧山頭

老子出函谷圖

友人索題
壽其所好

明
徐渭

柱史當年走函谷倒跨青牛映山翠
關尹那為伏道迎紫氣如虹映牛背
關門古樹白日昏一授道德五千言

從此人間修渾淪丹爐鼓鑄皆傍門徐翁八齡童子色
意者此術真傳得試教清水起黃塵還看桃花幾回碧
題黃帝廣成子問道圖

明
程敏政

憶昔廣成子講道崆峒山抗顏為帝師相與煉九還坐
令千歲人綠髮而朱顏一朝乘龍去下顧悲塵寰藥爐
莽猶存逸駕不可攀茲事傳已久無乃空投難靈均賦
遠遊魂銷汨羅灣鄒訢注參同寂寞蓬萊班我讀古仙
經一一瘦且慳或恐妙契者不在文詞間靈洞何幽幽

鼎湖亦潺潺勝境雖足愛賦子誠疎頑

彭祖觀井圖

明
吳寬

賈客適江海洪濤渺無津忽焉颶風作舟楫竟漂淪蜚
叟川上浴何殊白鷗馴寧知有飢鰥俟汝水之濱履危
信多險處坦終無屯所以下堂戒名言推子春鬱然大
樹下誰寫彭祖真飄蕭白鬚髮千年貌如新草間者埒
井蛙股諒可伸保身乃至此壽合希莊椿古人不可作
故事從誰論此老飲水活應仗汲井人且彼欲往觀人

當置車輪中心宜怵惕豈徒保吾身聊成一轉語圖畫
固有因茲事有與無不須吾重陳紛紛奉遺體足以驚
凡民

題劉節使所藏顯宗御畫莊子像

元
丘處機

顯宗好道當年壯手筆南華古形狀南華去世千載餘
狀貌風格知何如只是今人重古道彷彿氣象加襟裾
至入胸中本無待萬竅吹噓任天籟楊韓嵇阮心不同

到了各歸於大塊

莊子觀泉圖

明
陳憲章

珊珊瀉下天花爛
仰首白龍高十萬
丹青已會識者心
誰道漆園非具眼

列子御風圖

明
徐渭

旬餘身在遙空一
葉枝辭芳樹若教
風歇青蘋試問人
歸何處

題王內翰家李伯時畫太一姑射圖

二首

宋 韓駒

太一真人蓮葉舟
脫巾露髮寒飈飈
輕風為帆浪為楫
卧看玉宇浮中流
中流蕩漾翠綃舞
穩如龍驤萬斛舉
不是峰頭十丈花
世間那得蓮如許
龍眠畫手老入神
尺素幻出真天人
恍然坐我水仙府
蒼煙萬頃波粼粼
玉堂學士今劉向
禁直岩堯九天上
不須對此融精神
會植青藜夜相訪

海上仙山邈雲水
神居縹緲凌虛起
風餐露宿不知年

八極浮游一彈指何人舐筆作此圖細看尚恐冰為膚
便欲凭軒問蓮叔却愁挂壁驚肩吾雖有此圖傳自古
矯矯真容那得睹萬里中州不少留曉發咸池暮玄圃
而今玉殿開珠宮鸞旗鶴馭紛長空神兮早御飛龍下
願賜千秋年穀豐

太一蓮舟圖

三首為濟源
奉先老師賦

元
元好問

泠泠風外列仙臞琢玉羊欣定不如六合空明一蓮葉
更須遮眼要文書

仙人寧得此婆娑無奈丹青狡獪何我與太虛同一體
也無蓮葉也無波

太一青藜出漢年明窗開卷一欣然憑君莫問題詩客
不是韓駒第二篇

太一真人蓮葉圖

元 吳澄

裸裸赤身無寸絲浮浮一葉作兒嬉貪嗔應是全無了
尚有人間半點癡

太一真人歌題蓮舟圖

元 李孝光

銀河跨西海秋至天為白一片玉夫容洗出明月魄太
一真人挾兩龍脫巾大笑眠其中鳳麟洲西與天通扶
桑乃在碧海東手把白一作綠雲有兩童掣鶚二鳥開金
籠

題太一真人蓮葉舟圖

元唐肅

真人鍊形形已空靜如凝雲動如風忽然登天弄明月
忽入淵海駭蛟龍蓮葉為舟特戲耳舟本無舟那有水
龍驤萬斛安如山徃徃世人多溺死真人手中書一編

我欲稽首請借看書中定紀開闢前滄海桑田幾變遷

包與真題太一真人圖

明
劉基

太一真人龐眉須不知所持何代書既不學昂星降精
下輔隆準公又不學傳說請帝通夢寐左右商王陳範
謨眇然一葉蓮花萼清秋風吹落泥塗紅凋粉瘵不可
扶君何為乎以為桴蕩漾九河凌五湖誇耀水伯驚天
吳坐令文成五利之輩假借神聖欺庸愚靈旗風翻壯
荆符麋鹿無鬼夫何辜漢宮天祿連石渠金釭銜壁麗

綺疏青藜有燄如芙蓉何不分餉依光夜續之徐吾高
堂耽耽縣畫圖作歌一笑駭里閭

太一真人圖

明程敏政

小舫輕於一瓣蓮貪書忘却水如天丹青未識當時意
誤比乘槎海上仙

李伯時姑射仙像

明桑慎

姑射乘龍遠出山橫飛四海一時還乾坤書在清風裏
萬古無言意自閒

楊真人錄中像

唐鮑溶

畫中留得清瓊質世上難逢白鶴身
應見茅盈哀老弟為持金錄救生人

許旌陽贊

宋白玉蟾

曾傳謔母煉丹訣夜夜西山採明月
壺裏盛滿烏兔精劍尖尚帶蛟龍血
一自旌陽縣歸來拔宅騰空入金闕
但留作道八百年未教他喫東華雪

題謔母授道許旌陽圖

元柳貫

阿母孕氣胎萬生皆其嬰大兒太素童小兒丹元精邂逅執帔悅御輪遊九清玉妃左右眄壁月東西傾逝去八景滅留觀三秀榮赤文大洞書累累滿囊盛紛吾子弟職若昔列仙卿登壇授受已溘然乘雲征前行擁豹節後車載霓旌鳳飛亦既遠蕭蕭有餘聲匪觀蹈道機曷識顧養情茫茫大九州裨海環一瀛誰者為蟻螻誰者為鱣鯨稽首阿母言吾今亦長生保沖摠羣粹億齡歌太平

跋祁真人畫像

元王惲

何處人間有洞天青藜曾探寶珠玄柱頭留語疑遼鶴
物外孤吟覓閬仙木食草衣元澹泊竹風松月自清圓
壽宮舊有燒丹竈空憶靈砂漬夜泉

奉和虞學士賦上清劉真人畫像

元倪瓚

君向積金峰頂住長年高卧聽松風蓬萊雲近瞻天闕
劍珮香明下漢宮歸去長謠紫芝曲翩然遠挹黃眉翁

標名合在諸天上何事置身巖壑中

再和前韻

元倪瓚

焚香坐石孤峰月飛珮朝天萬壑風邈爾空歌傳碧落
飄然流響振金宮神君教服玄霜劑聖主能延綠髮翁
共道乘鸞去無迹祥雲繚繞畫圖中

吳道子畫四真人

宋蘇轍

浮埃古壁上蕭然四真人矯如雲中鶴猶若畏四鄰坐
令世俗士自慙汙濁身勿謂今所無蒿少多隱淪

十二月廿二日為重陽王真人誕辰是日立春在
松江長春道院瞻拜真人及七真像敬題薛一

山丹房

元王逢

寒盡東風破曉陰真人遺像儼如臨山中霞熟千年醞
海上蓮開七朶金朔地興王資化力鈞天朝帝動仙音
私忻泉石膏肓久終日凝神紫氣深

三仙傳道圖

明丘濬

我聞混沌初七竅時未鑿元氣一樓煙天地大胚璞太

元之先本自然物物各盡其天年醉生夢死順帝則不知何物為神仙劫運既開文字現經歷赤明暨炎漢天書八字露光芒天真皇人為析辨展轉相授度世人鍊精成炁炁成神一朝神成歸大道陰魄銷盡留陽魂黃庭內景三十六元牝有門神在谷何必彬彬萬遍功妙解惟湏一言足老聃後裔東華君妙道不肯輕示人非因胡僧愛饒舌雲房安得來相親一見之間即深契依稀記得前生事鍊衣脫却着羽衣五體勤拳便投地開

成進士昌紹先慮後遠及五百年君門不候龍虎榜仙
家却結鉛汞緣父祖子孫傳一道自得由來在深造三
成五等萬千言一一從頭都說到長生性命金丹說太
一刀圭大符訣演金科子運劍法抽玄關今開玉匣口
傳心授盡通徹身體力行益親切一傳肩吾施再傳海
蟾劉海蟾以後分南北兩宗若不相為謀南宗始紫陽
五傳海瓊白北傳始重陽七傳長春丘誰云仙人長不
死如今那見一人留謁來觀此傳道圖目擊道存心暢

舒幾陣清風出梭筵一天浩氣藏瓢壺鍊虬扶身筋力
固青蛇在袖膽氣麓對之融神三歎息勿憶三生是丹
客曾向璇霄借鶴騎每於玄圃偷桃喫本與處機同一
宗紫霄真人是鄉中黃緣欲啓玄命祕去學鄒訢註參
同老到不為天所佚身欲奮飛無羽翼聖恩若放歸海
山方丈蓬萊應咫尺

畫三仙

明
康海

三仙煉金丹丹光徹天起那知元牝門不在爐火裏歸

牧夕陽洲悠悠穩跨牛笑看江湖客風浪逐年愁

五老圖歌

壽祝
封君

明
顧璘

天地乃萬化之門陰陽乃五行之根太始逮今幾萬載
一氣不息縣縣存瞻彼五老靄若雲屯降神玄漠凝質
胚渾眉垂暮雪顏映朝暎玄冠朱紱素旄青幡履彼黃
道出入氤氲非五行之變化果孰得而究言靈風結駟
馬迅雷走駢車列缺叱右御須臾周太虛上帝洞天三
十六敕守互代羣仙居息駕廣漠野晞髮扶桑津西觀

蟠桃樹一花三千春曾同二龍父下應宣尼辰六經始
爛漫照耀垂生民不湏神鼎鍊大藥盡使壽域回清淳
祇今皇帝軒轅身山林父老華胥賓邇聞牛渚生至人
長生寶訣傳更真餐霞服玉好顏色坐翫風揚東海塵

五老圖

為田督學
德溫題

明

廖道南

君不見五星行天夙炳精傳說箕尾聯台衡濟川蚤望
堪舟楫調鼎應知和太羹又不見五嶽峙地時鳩靈宣
父徂徠鍾哲英泰山盡鎖煙霄色滄海時流雲漢聲畫

圖忽見五老子上下拒山萬峯紫築巖已聞昌聖符降
庭終見昭神理吁嗟俯仰成今古金樓瑤華眇何許豹
谷煙含杜若香龍門露裊扶桑樹八閩遙眺綺霞中三
楚光臨湘水東講道月巖宗茂叔懸情雲谷祖文公上
燭天經下地緯星文煥發嶽圖委化雨彌空霑棧撲春
風滿地開桃李君平我道在商周出我處我為好仇上
為五星下五嶽乾坤正氣疇能收

題五老圖

遙壽張禹
山八十

明

楊慎

遐算誰論魏羅結著書君似范長生九齡天錫言非夢
五老星飛兆久成玄韻松風時靜聽仙醺花露日頻傾
永昌不數睢陽杜一鶴南飛寄此情

赤松圖

宋姜夔

山東隆準公未語心已解按劍堂下人成事汝應退非
無帶礪約政爾有恩害平生三寸舌松間漱寒瀨

赤松二仙圖

元吳師道

四海弟兄誰慰眼半生書冊正亡羊赤松有路不歸去

花落春山百草長

題廣微天師昇龍圖

元錢惟善

噓氣成雲薄太清
墨卿靈怪斫池腥
波濤光彩失雙劍
風雨晦冥驅六丁
朱火騰空超碧落
翠鱗垂水捲滄溟
真人上挾飛仙去
安得攀髯過洞庭

張道玄天師畫降龍圖

明王淮

老龍不識天有數
剛要為霖觸天怒
天呼六丁驅下來
不容駐脚天街路
雷神伐鼓雲揚旗
火鞭亂打列缺馳

海波起立一千丈陽侯叫噪馮夷嘻泥鳅土蟾妖鬼技
側睨坳窪務得志那知龍抱九土憂弭角摧鱗潛出涕
哀哉九土毛骨焦蝦蟆蜥蜴擔工勞爾龍穩穩卧海窟
再莫多事生驚濤海中雖無五花樹海中綽有寬閒地
朝吐扶桑白日光暮吞細柳蘋霞氣我聞北周是太荒
一團陰氣餘無陽何不銜取玉燭上天去曬破鰲足八
極俱輝光

題顧愷之畫黃初平牧羊圖贊

宋

蘇軾

先生養生如牧羊放之無何有之鄉止者自止行自行
先生超然坐其傍挾策讀書羊不亡化而為石起復僵
流涎磨牙笑虎狼先生指呼羊服箱號稱雨工行四方
莫隨上林芒屨郎喫門砥地尋鹽湯

登邛州譙門門三重其四偏有神仙張四郎畫像
張蓋隱白鶴山中

宋
陸游

浮雲在脚底千里在眼邊攀躋忽至此倚柱眩欲顛車
馬細如螳紛紛衢路間嗟汝何為者馳驅窮歲年我本

澹蕩人此心實愛閒向來出處際不愧咫尺天風吹我
詩聲十里搖西山懸知老仙翁為我一粲然

三朶花

有序

宋蘇軾

房州通判許安世以書遺余言吾州有異人常戴三
朶花莫知其姓名郡人因以三朶花名之能作詩皆
神仙意又能自寫真人有得之者許欲以一本見惠
乃為作此詩

學道無成鬢已華不勞千劫漫烝砂歸來且看一宿覺

未暇遠尋三朶花
兩手欲遮餅裏雀
四條深怕井中蛇
畫圖要識先生面
試問房陵好事家

題長春子自畫

宋 林景熙

辟穀曾吞日月華
春風不老聚三花
玄關一竅通無極
白髮餘生笑有涯
野鶴相看盟秀竹
洞雲何處食靈瓜
披圖彷彿榴皮迹
珍重還如東老家

李少和像

宋 王十朋

少和辛苦學飛仙
遺像今猶在洞天
都似先生能辟穀

何須太守為行田

虛靖先生像贊

宋白玉蟾

七返還丹阿誰無先生歸去誰識渠時人要見真虛靖
北斗西邊一點如

天師侍宸追封妙濟真人林靈素像贊

宋白玉蟾

大宋天師林侍宸飛罡躡紀召風霆四十五年人事足
中秋歸去月三更

崇真宮醮罷敕畫吳宗師像

元貢師泰

海日曛曠照九衢霓旌霞旆擁高居上方敕畫仙官像
中使傳宣學士書劒氣朝寒垂白練丹光夜暖出紅蕖
石壇醮罷清如水猶聽松陰起步虛

謝自然像

元鄭元祐

老韓詰屈雄世間好用險語搜神姦上仙飛空詣丹闕
政自與世無相關奚為造言極誣詆何妨月照千江水
龍伯珠宮深處所鶴髮篙師醞時喜扶植世教須老韓

天風不礙鏘鳴鸞不見來州南充縣香火至今盟未寒
題紙衣道者圖

金密公璫

紫袍披上金橫帶藜杖拖來紙掩襟富貴山林爭幾許
萬緣唯要總無心

馬雲卿畫紙衣道者像

元元好問

太古清風匝地來紙衣長往亦悠哉鐵牛力負黃河岸
生被曹山挽鼻迴

沖虛侍宸王文卿像贊

宋白玉蟾

醉持鐵尺叫風雷
玉帝綸言召兩回
到得人間無鬼蜮
依然長嘯入西臺

金蓬頭先生畫像贊

元張雨

聖井山高日上遲
采雲甘露碧淋漓
下山拾得一莖草
不見菴中金老師

金蓬頭先生畫像贊

元趙奕

髻髻蓬頭坐抱一
神自清先生本不滅
能枯亦能榮
幻化托此夢
蛻解身已輕
何時得見之
禮拜叅長生

金蓬頭先生畫像贊

元 鄭元祐

巍巍龍虎山融結自太古篤生虛靖君道獨繼祖武真人懷巖穴蕭然一環堵蓬首目光炯燕坐閱衆父爰契虛清心天風檜杉舞

題白玉蟾像

元 虞集

日出扶桑積雪高海空天淨絕纖毫每看劒氣衝銀漢知是吹笙詠碧桃

海陵觀徐神翁像

二首

明 湯顯祖

色盡神移看寫生元都衫影罩空明滄桑欲換題愁去
一種神仙世上情

檀像虛無畫像新掉頭不識底傳神千秋淚迹神光裏
愁看人間羅刹人

御定歷代題畫詩類卷六十二



總校官庶吉士臣侍朝

校對官庶吉士臣陳文樞

謄錄監生臣趙友彬

欽定四庫全書薈要

集部

御定歷代題畫詩類卷六十三

四

詳校官原任主事臣李斯咏

欽定四庫全書薈要

御定歷代題畫詩類卷六十三

仙佛類

劉阮天台圖

元唐肅

題劉阮天台圖

明徐庸

劉阮遇仙圖

明程敏政

題洪崖先生出市圖

元牟巖

題洪崖出遊圖

元黃潛



題洪厓先生像卷

元錢選

子晉吹簫圖

元張天英

吹簫圖

元劉永之

陳搏睡圖

元歐陽玄

題陳希夷大睡圖

元陳旅

陳搏像

元鄭元祐

題希夷長睡圖

明丘濬

題陳希夷睡圖

明史鑑

華山高睡圖

明姚綸

華山高睡圖

明葛孔明

希夷像

明陳繼儒

劉商觀奕圖

元成廷珪

題劉商觀奕圖

明張以寧

題劉商觀奕圖

明貝瓊二首

劉商觀奕圖

明金幼孜

圍碁圖

元黃潛

觀奕圖

元貢性之

觀奕圖

明高啟

觀奕圖

明解縉二首

題觀奕圖

明張鳳翼

題奕碁圖

明王世貞

爛柯圖

元張雨

題王質爛柯圖

明徐渭

賦得奕仙圖

明徐渭

題葛仙翁移家圖 元陳基

葛仙翁移居圖 元袁桷

題葛仙移家圖 元于立

題葛仙翁移家圖 元鄭東

題葛仙翁移家圖 元張遜

葛稚川移居圖 元王逢

題葛洪移居圖 明鎬崧

題葛仙翁移家圖 明徐賁

題葛仙翁移家圖

明陳基

題天台採藥圖

元于立

題王孟京先生采芝生卷

元陶宗儀

高湯士為道人游月窓作水墨圖

明王恭

唐仙方技圖

明王佐

陪楊仲弘先生觀董羽畫江叟吹笛天龍夜降圖

元朱德潤

和袁海叟題老蛟化江叟吹笛圖

明顧祿

題老蛟化江叟吹笛圖

明袁凱

欽定四庫全書薈要卷一萬九千一百七十一

集部

御定歷代題畫詩類卷六十三

仙佛類

劉阮天台圖

元

唐肅

花發錦成川山深別有天偶因尋藥草不道遇神仙桂
殿鸞褰幄蘿房虎奏絃定應無色界曾有拂衣緣

題劉阮天台圖

明

徐庸

白雲蒼靄迷行路水複山重不知處行過澗谷有人家

忽見東風萬桃樹芳香豔態娛青春花間得遇娉婷人
五銖衣薄捲煙霧笑語便覺情相親神仙雖遇終離別
千古佳名自傳說天台山水至今存桃源望斷空明月

劉阮遇仙圖

為楊克敬
通政賦

明

程敏政

眼中風景非塵寰熟視無乃天台山迥然仙境與世絕
斷崖無罅愁躋攀瀑水千尋灑寒雪危峯十二浮煙鬟
野渡南通赤城道石橋下鎖清溪灣沉沉一洞截山口
恐是天造蓬萊關深行入洞凡幾里雞犬聲喧白雲裏

濁水清塵此地分
珠宮貝闕中天起
芝耳曾聞商調悲
松顏不受秦封恥
澗邊夾路記行蹤
亂插桃花傍流水
西天不數化人城
萬片飛霞散晴綺
洞中美入冰雪容
星冠玉珮驚游龍
長者為姊弱為妹
臨風宛若雙芙蓉
未識人間有伉儷
但覺世外無春冬
端居不吟芍藥句
蛾眉肯蹙蓮花峰
三生有客緣未了
不期而遇真竒逢
鴈蕩山頭日西沒
采藥途迷意荒忽
珍禽逸響果繽紛
瑤草幽香散蓬勃
客子由來阮與劉
一一平生有仙骨

丹室原稱姹女家藍橋即是神仙窟雙壁相攜歸洞房
紫衣小隊侍兩旁霓旌翠葆總生色鸞笙鼉鼓紛成行
供炊擬作胡麻飯合盃先進崑崙觴鮫綃文席琥珀枕
百歲寧憂春夜長天潢牛女漫睽隔巫山雲雨何荒唐
流年忽忽如奔電偶在山中憶鄉縣請從此別去還來
却對桃花重開宴仙凡便覺兩悠悠未盡離觴淚如霰
一去如同澗下流重來事異梁間燕輕狂柳絮非妾心
珍重蒲花似郎面銅燭半銷雲母屏琅函未啓黃庭經

鳳山絕響縵山黑瑤琴斷絃湘水清元猿長嘯白鶴舞
蒼天赤日空巖扃豈知二客一分手身如夢蝶愁難醒
世移物換幾塵劫桑田滄海雙浮萍春來再理登山屐
藥裏行囊感疇昔人非物是心茫然小桃花紅水空碧
耳畔疑聞杵臼聲道傍只見豺狼跡風鬟霧鬢今有無
恐在山頭化為石此身未老將何從紫府瑤臺謬通籍
人生有合還有離仙猶未免將奚為山經地志或偶爾
見者何人傳者誰長生久視本絕欲誨淫野合能無欺

赤豹凌風說山鬼白狐拜斗成妖姬危哉二客幸不死
奇逢堪喜還堪悲錦衣郎君內供奉一紙風流百金重
鵝溪新絹寫此圖把玩精神欲飛動銀臺敕使偶得之
坐見丹青照梁棟款予頻挽木蘭舟催詩旋發蒲萄甕
安得人如宋玉才為君一賦桃源洞

題洪厓先生出市圖

元年
巖

洪厓先生住何許支離臃腫之為伍蕭然行旅偶出市
策書瓢劍略可數自謂生在三皇前野鹿標枝何太苦

當時但以結繩治書中正復作何語與馬絡頭亦復來
雪精何為馬。繼具只呼張老無不可面謾三郎真戲侮
承平無事相娛嬉力追遐風來湛露一朝恍惚思草昧
此意似已厭繁牘千村萬落荆杞生宛是洪荒一風土
袖中紙驢不喫草拍手還向洪厓去

題洪厓出遊圖

元
黃潛

靈仙飛化事難言驢背春風度市門不到人間今已久
多應醉卧古藤根

題洪厓先生像卷

元 錢選

神駕馭景飈太虛時總轡玄道不可分直悟天人際羣
從皆成仙翫世不計年何當事神遊許我笑拍肩

子晉吹簫圖

元 張天英

仙人石上試瓊簫引得青鸞下碧霄長記緱山明月夜
醉歌拍手待王喬

吹簫圖

為劉海陽賦

元 劉永之

曾引雙飛綵鳳來紫瓊鏤管上簫臺於今無復人間夢

一曲閒吹坐碧苔

陳搏睡圖

元

歐陽玄

陳橋一夜柘袍黃
天下都無鼾睡牀
贏得墜驢閑老子
為君眠斷白雲鄉

題陳希夷大睡圖

元

陳旅

石屋光含太華青
長年陶兀守中扃
人間千古邯鄲枕
却道先生睡不醒

陳搏像

元

鄭元祐

千年營一睡醒起欲安民忽覩金烏彩還山遂老臣

題希夷長睡圖

明丘濬

墜驢一笑便歸山衾枕乾坤分外寬一汴二杭閩又廣
依然春夢未曾闌

題陳希夷睡圖

明史鑑

世事紛紛類奕碁蓮花峰下睡多時春風引入華胥國
忘却浮生在亂離

華山高睡圖

明姚綸

白雲深似海長日睡夢騰脫帽露雙髻支頤曲一肱聞
鵲時已定化蝶夢無憑惆悵華山頂無人得解登

華山高睡圖

明
葛孔明

莫道先生睡先生睡亦醒邯鄲誰喚覺夢境幾人寧

希夷像

明
陳繼儒

密處英雄解退藏睡鄉消息不尋常從來驢背乾坤窄
擲與香兒趙大郎

劉商觀奕圖

元
成廷珪

茅生絕藝天下無何以刻此觀奕圖劉商易之亦驚倒
神妙似與龍眠俱松陰對奕者誰子豈非角里園公乎
雲綃霧縠古冠佩童顏雪頂滄溟枯野樵旁立太癡絕
歸來始覺仙凡殊斧柯竟化作塵土世間甲子真湏臾
老夫只解飲醇酒一著輸贏曾放手市廛有地寄閑身
却覓南山橘中叟

題劉商觀奕圖

明
張以寧

松風冉冉羽衣輕石上談碁笑語清樵客豈知人世換

山童遙指海塵生
碧桃開盡又春去
白鶴歸來空月明
一著山中猶未了
人間流落不勝情

題劉商觀奕圖

二首

明
貝瓊

日落青山未了碁
兩翁渾似海僧癡
不辭虎口方爭險
曾取龍牙會出奇
春在洞天應不老
路經石室到今疑
老樵若悟歸來早
物外神仙豈復知

爛柯山頭生白雲
爛柯人去世空聞
楸枰有路縱橫引
石子如星黑白分
寂寂中流方對壘
迢迢出塞未成軍

當時一著安劉氏四老應宜策上勲

劉商觀奕圖

為曾景武賦

明金幼孜

一局忘言意若何古松流水白雲多
回看石室山前路肯信樵夫有爛柯

圍碁圖

元黃潛

有客圍碁洞口歸天荒地老已多時
人言此客殊癡絕畫裏看碁我更癡

觀奕圖

元貢性之

笑殺王郎底事癡斧柯爛盡不曾知却拋人世無窮樂
只博山中一局碁

觀奕圖

明
高啓

錯向山中立看碁家人日暮待薪炊如何一局成千載
應是仙翁下子遲

觀奕圖

二首

明
解縉

去年曾到爛柯山看著殘碁不肯還自是太平舒化日
神仙都只在人間

塵中車馬如流水每遇閒時日似年只在人間已如此
何須日訝看碁仙

題觀奕圖

明張鳳翼

拂石敲碁不計春輟樵觀奕暫怡神歸來城郭人民改
惟有青山是故人

題奕碁圖

明王世貞

松下兩仙人碁聲日敲戛不愁清景移愁宅殺機發

爛柯圖

元張雨

一局碁殘爛斧柯山中日月竟如何歸來記得神仙著
不比人間局面多

題王質爛柯圖

明徐渭

閑看數着爛樵柯澗草山花一剎那五百年來碁一局
仙家歲月也無多

賦得奕仙圖

明徐渭

楸玉枰開映指長美人疑是倚新妝惟應賭墅風流客
與較斜飛勢一行

題葛仙翁移家圖

元 陳基

是處青山可煉丹，問君拔宅向何山？
縱令兒女恩情重，雞犬何心不肯還。

葛仙翁移居圖

元 袁桷

翁媪相攜入翠微，轉頭猶有可憐兒。
丹砂不是神仙藥，勾漏歸來鬢已絲。

題葛仙移家圖

元 于立

紫府青鸞下詔遲，囊琴跨犢又何之？
空遺舊宅燒丹井。

寂寞長松叫子規

題葛仙翁移家圖

元鄭東

多事攜家向道塗
定從何處覓深居
無人占得神仙氣
乞取青牛背上書

題葛仙翁移家圖

元張遜

魚遊沸鼎莫遲留
僭石逶迤向廣州
抱朴書成牛背上
從教雞犬有人收

葛稚川移居圖

為友生朱仲矩題

元王逢

典午三綱紊無紀賊奴內向伯仁死辭徵高蹈公以此
終託丹砂去朝市千年盛事傳畫史野夫獲睹朱氏邨
裝肩餽糧紉琴几杖懸藥瓢風靡靡長襦老婢手執箠
躬驅其羊羊顧子兩捷受牽頭角頗羗厖殿隨亦欣喜
公披仙經瞳炯水琅琅餘音恍入耳後驂夫人謝釵珥
膝上髻嬰玉雪美勾漏尚遠羅浮邇若有函關氣騰紫
天下山靈狀僑危開鑿空青洞扉啟雲霞輸漿石供髓
二麗精華晨夜委金光秀發三花蕊飄飄上昇碧寥止

同時許邁行加砥一門翁孫良可儼波撒豆者顙遺泚
嗟今凡民苦流徙落木空村淚如洗

題葛洪移居圖

明 鎰 崧

前行白羊四角羸誰其驅者鬚鬢兒獐獐一犬嗥而馳
舉鞭護羊訶止之背有囊琴結黑絁嫗後負畫策以追
少婦騎牛牛步遲兩兒共載兀不敬大者坐擁斑文狸
小者索乳方孩嬉母笑不嗔還哢伊復有鬚者肩童羈
引手向翁如反餒蹇驢嗅地行欲疲兩耳逆豎愁風吹

老翁龐眉方頤頤顧瞻妻子色孔怡似語前行路向夷
爾兄在前爾勿疑爾母正念爾弟飢高幘髯奚荷且持
藥瓢囊襍何垂垂有捄者柄相參差傍有二卷一解披
趲行苦忙奚不知我觀此畫喜復疑問翁為誰莫可推
或云葛令之官時移家勾漏乃若茲人生多累在侈靡
如此行李胡不宜骨肉在眼無餘資陳巖作圖真畫師
筆跡縹緲如飛絲中有妙意世莫窺我吟將為仕者規
如不見畫當求詩

題葛仙翁移家圖

明 徐 賁

典午中衰亂人紀諸藩構隙兵戈裏江左名賢各有圖
先生抱朴徵不起先生好學得異書九丹妙得玄中理
紫髯綠髮丰姿秀蕭然自是煙霞士當時入洛不論功
榮利棄之如敝屣求丹願作勾漏令便挈全家渡交趾
南行適逢鄧廣州一留羅浮遂終此壇上時看藥竈光
井中猶是丹砂水暫將勁翮戢鷦鷯躡景追風豈能已
先生丹成骨已仙獨見文章在青史龍眠居士真好奇

貌作新圖宛相似先生自騎黃鹿行僮僕提攜子姪侍
藥瓢茶磨家具足前驅牛驪後厖豕乃知粉墨幻入化
幹補點綴無不美今日玉堂雪初霽展卷令我心神喜
特為題詩繼後塵再拜高風仰千祀

題葛仙翁移家圖

明

陳基

列仙之人其道無為超然物表遊於希夷厚祿不足致
好爵不足縻所以許由辭堯不受禪巢父聞之猶為洗
耳河之湄奈何葛仙翁與世猶支離求為勾漏令所欲

何卑微觀翁此行亦良苦妻子辛勤童婢飢翁知學仙
不學吏委以民社將安施仙家雖云足官府奈此人間
小黠并大癡君不見陶潛棄官歸故里又不見馬援謗
興由薏苡縱得丹砂亦不多誰信翁心澹如水雲門山
有靈藥歸去來山中樂牛羊任所之雞犬從人縛急將
印綬送還官變却姓名稱抱朴

題天台採藥圖

元
于立

天台之山千崖萬壑下壓玄陰之九壘上通青天於一

握長松古檜陰森蔽白日飛湍懸瀑瀕洞振巖壑窮搜
遠討不可極中有仙人在寥廓褰衣澗曲者誰子似欲
長往窮冥漠石橋流水定何處鳥啼春暮桃花落但見
霓旌飄飄集仙侶丹光翠色映樓閣授子素書仙可學
況有瓊漿與靈藥雲霓衣裳霄漢樂瑤床玉枕真珠箔
此中居處良不惡胡乃區區念城郭世道日偷民德薄
變轉更遷如陸博人間不似山間樂嗚呼人間不似山
間樂胡為丁令歸來化為鶴

題王孟京先生采芝生卷

元 陶宗儀

高風千古仰商顏，自喜幽棲近九山。
短錨每從層巘陟，頽筐長帶亂雲還。
晴霞煖護金莖紫，曉露香融玉朶殷。
辟穀延年端藉此，飄然行筇列仙班。

高漫士為道人游月牕作水墨圖

明 王 恭

茲山連峰勢磅礴，空翠濛濛坐中落。
始悟方壺醉裏塗，復訝商公興時作。
竹澗堂臨溪水濱，龍門墨客問通津。

相逢大醉仙家酒戲墨持歸鶴上人鶴上仙人與山好
每見此山應絕倒雲斷嵩丘少室間龍鳴華頂天台早
我也平生苦愛山塵緣未割竟何顏願隨飛珮花源去
一見秦人遂不還

唐仙方技圖

明王佐

開元天子承平日錦繡山河壯京室金殿璇題表集賢
玉屏粉繪圖無逸夔龍接武居阿衡萬方旭日當文明
衡山老仙何所有亦復通籍承恩榮縞衣白髮酡顏老

自說時來致身早綵筐初開玉仗分白驃突出銀鞍小
榻前製號賜通玄始信人間別有天樓船未遣蕊珠賜
歲籥俄更天寶年九齡歸卧曲江上牛郎又入中書相
花雨香飄蘭若鐘柳雲春撲金雞帳萬機日少樂事多
梨園法譜聲相和鬪雞舞馬看不足寧獨仙人逞白驃
仙人豈是呈仙技畫者傳之有深意延秋門外羽書飛
却駕青驃向西避青驃劒閣雨淋鈴一段閒愁尚不勝
豈道畫圖今若此碧雲芳樹滿昭陵

陪楊仲弘先生觀董羽畫江叟吹笛天龍夜降圖

元
朱德潤

黑雲冥冥江叟出莫泊孤舟夜吹笛怪雨盲風動地來
奔濤只欲沈江國一聲吹罷關河黑亂石隨波山樹側
雲端天矯見雙龍水氣高寒星漸沒聞聲解意似相感
一曲未終人聽寂吾聞應乾龍在天潛鱗或躍藏深淵
仙翁幻術偶驚世粉圖蕭瑟能相傳宋初董生學畫龍
龍驚皇儲真技窮三百年來似轉瞬空令丹腹留遺蹤

請君急緘卷還客叟似欲言龍欲逸淮南赤日土欲焦
祈汝飛騰作甘澤

和袁海叟題老蛟化江叟吹笛圖

明
顧祿

千里神龍化作翁月明吹笛倚龍宮曲聲不許人間聽
散入重湖半夜風

題老蛟化江叟吹笛圖

明
袁凱

吳頭楚尾老髯翁千里煙波有故宮日暮江亭不歸去

猶將玉笛倚秋風

御定歷代題畫詩類卷六十三

欽定四庫全書薈要

御定歷代題畫詩類卷六十四目錄

仙佛類

戲題醉仙人圖

元元好問

醉仙圖

明高啓

醉中詠玉林山人所繪醉仙圖

明徐渭

仙人圖

元劉因三首

仙人障子

明周用

題白鹿仙人圖

明倪謙

題二仙圖

元范梈

卧仙圖

明廖道南

題會仙圖

明徐賁

題羣仙拱壽圖

明張鳳翼

雲中四老圖

元程鉅夫

畫松下老人歌

明王問

題畫

宋朱子

吳畫 宋朱子

題畫 明王澤

題小畫 明廖道南四首

畫醉道士 宋陸游

題張幾仲所藏醉道士圖 宋陸游

題醉道士圖 宋范成大

題醉道士圖 元王惲

題松下道士攜琴圖 明劉基

題畫贈岳道士

元倪瓚

題方方壺畫仁智圖

元劉永之

題冶城道士嵇秋山卷

元薩都拉

題方仙翁手卷

元錢惟善

題周法師月溪圖

元馬臻

題周道士采苓卷

明邊貢

雲石圖

明朱諫

讀道堂戲作鍊丹圖

明李日華

瑤池春宴圖

元黃潛

題瀛洲仙會圖

元柳貫

題晉卿夢遊瀛山圖

元袁立儒

題趙仲穆瀛海圖

元朱德潤

題徐思敬瑤池小景

明陳雷

題青城圖

明周玄

仙壇秋月圖

元吳師道

題錢選畫仙居圖

元柳貫

仙居圖

元吳師道

劉松年仙居圖

元唐肅

顧愷之瑤島仙廬圖

元鄧文原

題仙隱圖

元李祁

題桃林仙逸圖

明張鳳翼

題蓬萊深處

明韓宜可

題函谷瑤池圖

明李維楨

桶底圖

元楊載

題桶底圖

元薛漢

題桶底仙山圖

明顧祿

欽定四庫全書薈要卷一萬九千二百七十二

集部

御定歷代題畫詩類卷六十四

仙佛類

戲題醉仙人圖

元 元好問

醉鄉初不限東西
桀日湯年一理齊
門外山禽喚沽酒
胡蘆今後大家提

醉仙圖

明 高啟

酒滿長生癭木瓢
花開仙館宴春宵
飛瓊何事堅辭飲

應恐清都誤早朝

醉中咏玉林山人所繪醉仙圖

明徐渭

玉林醉仙吾故人畫出醉仙無限春
今日欲見不可見但見圖畫傷吾神
畫出醉仙醉欲倒我亦大醉不知曉
東方天白瓦露燥却恨歸家何太早

仙人圖

三首

元劉因

千古誰傳海上山坐令人主厭塵寰
蓬萊果有神仙在應悔虛名落世間

雲海蒼茫去復還人間此日是何年平生慣見秋風客
只許汾陽會窅然

悵望皇墳寂寞中何從事跡得崆峒可憐千古稱黃老
誰識當年立極功

仙人障子

明周用

太清仙人在何所赤虬紫鳳瓊霞府昔時我得遊其間
酌以金漿擘麟脯却來九土遭世人為言舊事驚飄塵
龍眠已往虎頭遠草草丹青無復真桑田回首還東海

須臾甲子經千載王母瑤池桃子紅老人南極星躔彩
吳淞江水含墨光從渠卷去懸高堂羽衣不動雲冉冉
鸞驂欲下風鏘鏘迴看明年二月百花開白髮絲絲春
酒香

題白鹿仙人圖

明倪謙

百尺松陰石磴重千年白鹿澗邊逢仙人月底吹簫去
知向縵山第幾峰

題二仙圖

元范梈

明月萬山空溪橋暗路通不知何洞府終夕坐松風

卧仙圖

明

廖道南

古松偃蹇翠含煙五嶽真人太白仙白日卧游凌八極
瑶池玄圃對青蓮

題會仙圖

明

徐賁

春風十二燕瑶臺曾與羣仙一見來別後空山流水裏
不知幾度碧桃開

題羣仙拱壽圖

明

張鳳翼

西池王母燕羣仙南極流輝寶婺懸何必人間論甲子
即看桃熟已千年

雲中四老圖

元程鉅夫

白髮雲中老衣冠有古風婆娑松竹裏莫是採芝翁

畫松下老人歌

明王問

朝來寫素絹天矯為長松須臾變精思松下貌一翁形
如列仙雙玉瞳常隨野鹿披蒙茸此翁腹中何所儲曾
讀黃虞千卷書一乘軒車意不樂荷衣早拂身巖居此

翁室中何所有三尺囊琴一斗酒倚醉高歌三徑紆風
流豈落柴桑後我欲招之翁不言松陰槁坐靜於禪不
覺對此意轉澹擲筆牖下風泠然

題畫

宋
朱子

青鸞凌風翔飛仙窈窕姿高挹謝塵境妙顏粲瓊蕤登
霞抗玉音結霧吹參差神鈞儼空洞玄露湛霄暉山中
玉斧家胡不一來嬉真凡路一分冥運千年期

吳畫

宋
朱子

絕妙吳生筆飛揚信有神羣仙不愁思步步出風塵

題畫

明王澤

茂陵帝子好神仙別起高樓入半天望斷巢空碧外
海山珠樹沒秋煙

題小畫四首

明廖道南

海上碧桃花朝光映彩霞金衣羨公子棲息五侯家
玄圃飛瓊雪丹禽棲玉林誰知灞橋客別有歲寒心
白鹿來西域真仙此地遊玉田瑤草熟雲共羽衣浮

古稱服不氏爾獨馭金猊逸氣凌秋發天風吹玉枝

畫醉道士

宋
陸游

落托在人間經旬不火食醉後上江樓橫吹蒼玉笛大口如盆眼如電七十老人從小見曾攜一鶴過岳陽滿城三日聞酒香

題張幾仲所藏醉道士圖

宋
陸游

千載風流賀季真畫圖髣髴見精神邇來祭酒皆巫祝眼底難逢此輩人

題醉道士圖

宋 范成大

蜩鸚鵡任過前壺中
春色甕中天朝來兀兀三杯後
且作人間有漏仙

跋醉道士圖

元 王惲

甕頭傾盡玉雙瓶
已醉猶醒百態生
若問一中何所好
醉鄉日月自昇平

題松下道士攜琴圖

明 劉基

道士抱琴松下行
松風入耳清涼生
石蕨苔滑不可上

潭水泠泠學琴響琴有意兮水無心
水中有龍能聽琴
琴聲淒斷水流咽月滿空山落松雪

題畫贈岳道士

元倪瓚

義興岳道士野鶴如長身我知彌明徒不是侯喜倫
結喉吟肩聳鐵脊霜髯新手中石碁子頭上漉酒巾
久居離墨山自謂無懷民喪亂不經意松陵留十旬
香雲作輿衛長松為主賓既滋數畦菊復種二畝芹
樂哉以忘死道富寧憂貧為我具舟楫相期桃花春

題方方壺畫仁智圖

為道士主
默因賦

元 劉永之

玉檢神仙記瓊臺羽士家
軒牕明月冠佩翦雲霞
白鶴窺殘奕青童掃落花
憶曾訪丹術楓徑駐輕車

題冶城道士嵇秋山卷

元 薩都拉

不見冶城嵇道士雲深無處訪仙蹤
夜聞老鶴行枯葉知在秋山第幾重

題方仙翁手卷

仙翁即青
溪道士

元 錢惟善

先生聞是漢諸儒長往千秋不可呼
偶向青天騎一鶴

絕勝赤縣下雙鳬
史官自昔遺名氏
仙蹟從今入畫圖
顧我平生耽讀易
欲從雞犬扣虛無

題周法師月溪圖

元馬臻

冰霜萬里敝貂裘
炊熟黃梁認舊游
坐看清溪溪上月
虛舟不動水悠悠

題周道士采苓卷

明邊貢

夫椒山中多老松
白雲隱隱盤蒼龍
山人荷鋤采苓去
往往仙人松下逢
仙人本是山人作
山人向來滿功課

句麗勾吳幾萬里杏花陰裏春風大君不見蒲江古井
凝綠華乳嬰綆上聲啞啞長秋道士不入口放魚女兒
升綵霞

雲石圖

為黃煉
師賦

明
朱諫

蓬萊山上白雲宮彷彿仙家遇赤松歲改不妨瑤草綠
春來又見小桃紅丹砂曾問容成子玉液真傳白兔翁
欲把青囊與君說年來萬慮已成空

讀道堂戲作煉丹圖

明
李日華

林樾靜可息百紛不至前偶然厭形累服氣祈雲仙羽
人授我書銘丞相烹煎一九紫金霜翼翼凌風煙孤鶴
亦窺鼎俛啄如嚙涎我乘爾為馭海島時盤旋千載同
歸來纍纍笑墓田此翁今何在蒿衡廬霍間

瑤池春宴圖

元黃潛

西飛青雀幾時還貝闕琳宮縹緲間筆底春風殊未老
蟠桃積核已如山

題瀛洲仙會圖

元柳貫

巨鼇驤首戴三山海波不驚坤軸安方壺圓嶠彼何境
靈氣布濩非人間金銀觀闕勢如翥攢林珠樹垂珊珊
棖題竦擢明河畔閣道橫截浮雲端仙人來往羽衛備
或駕紫鳳騶青鸞霓裳法曲舞初破執樂瓊姬神來間
時容下界攬薌澤却對連峰愁髻鬟茅龍飛去杳無迹
烏駝兔走雙跳丸蓬萊舟近風引却却歎靈蹤難重攀
是誰模寫枕前夢欲用鐫鑿區中頑神仙固多狡獪事
世儒論著存不刪賈生賦鵬語天道後有達者當大觀

忽然為人化異物斯理幾何堪控搏仇池洞穴通小有
神清玉宇標孱顏彼皆因境示生悟直啟真源湔垢癥
嗟余質薄迫世隘輕舉便擬凌飛翰披圖愴怳縱玄覽
託乘浮游窺九關無窮八極冀一遇返道遂與松喬班
登年閱世要自致何必辛苦成金丹

題晉卿夢遊瀛山圖

元
袁立儒

珍木文禽玉珮環清都絳闕色琅玕香山居士蓬萊院
借與王郎夢裏看

題趙仲穆瀛海圖

元 朱德潤

玉觀仙臺紫霧高昔騎丹鳳恣遊遨
雙成不念吹笙侶閨苑春深醉碧桃

題徐思敬瑤池小景

明 陳雷

紫泉疊石帶煙霞此景人間有幾家
錦字書傳青鳥使玉簫聲繞碧桃花
雲容窈窕誰能寫月色嬋娟我欲賒
不待扁舟乘興去珊瑚長拂釣竿斜

題青城圖

明 周玄

青城辭家仙路遙
秋後白雲還見招商山
老人不歸去
巖徑松扉長寂寥

仙壇秋月圖

元
吳師道

宮中美人秋思多
夜揖明月追仙娥
畫闌桂樹依樓闕

碧落天壇飛

原本闕二字

畫師不解西風夢
筆端更有華陽

洞更將妍畫寫清詞
輕扇君王心已動
炎精季葉堪歎
嗟矧爾妍麗傾其家
申生遺禍到濟瀆
府中丞相真姦
邪吳宮一掃荒煙冷
舊事淒涼復誰省
百年永鑒不可

忘留與人間看扇影

題錢選畫仙居圖

元柳貫

仙人羽駕青雲興游戲八極凌空虛神山縹緲在何許
意所到處皆方壺畫師豈常與之接夢時識取醒時摹
聯棟紫房縣薜荔交柯碧樹排珊瑚琴書整暇筵几靜
左右絳氣橫扶疎武陵溪曲仇池路人跡往往通樵漁
仙凡一膜初不隔悟迷異趣何其殊奔輪駭轍世多有
逐臭未免如蟲蛆吳興老錢招隱曲駕言設色調方諸

披圖三誦歸來乎盍亦視此招搖車

仙居圖

元 吳師道

雲氣參差青嶂樹林飄緲飛樓誰識仙家歸路桃花流水漁舟

劉松年仙居圖

元 唐肅

曾逐大茅君峰頭卧古雲鳥青呼作使鶴白養成羣客
較丹砂法童窺玉券文近來煙火斷花氣作爐熏

顧愷之瑤島仙廬圖

元 鄧文原

渺渺晴山路更幽茸茸瑶草幾春秋巖棲自昔推巢父
學種于今說故侯雲物豈因時序換鹿麕不共世塵浮
谿頭驀有尋真客期向天台汗漫遊

題仙隱圖

元李祁

麻衣草座蒲葵扇兀爾形神總寂寥想見華山陳處士
白雲牕戶碧迢迢

題桃林仙逸圖

明張鳳翼

夾江種桃花黔鬱列左右却笑避秦人空驚捕魚叟迢

迢三千年虛談竊王母何如澄懷客葆真享眉壽朝餐
赤城霞夕飲蘭陵酒開花與結實相將共長久

題蓬萊深處

明 韓宜可

聞道蓬萊別有春五雲深處隔凡塵松迷鶴逕渾無路
花暗簫聲不見人滄海日華翻貝闕三山霞氣逐飈輪
劉郎自是神仙侶何用天台更問津

題函谷瑤池圖

祝李母

明 李維楨

函谷關門真氣紫青牛西去柱下史西來王母幸回中

有三青鳥為之使李母前生金母身仙李根蟠萬古春
桂子蘭孫相映發麟符魚佩熊朱輪衆人之母衆父父
五馬行春春萬戶畫圖三壽願作朋陽春一曲歌且舞
東為青帝春青陽青鳥青牛義何取湏知彼美西方人
自是東方生物府

桶底圖

元
楊載

巨鼇奮其首戴山出海中神人擇所處共構金銀宮凭
高開戶牖屈曲互相通女仙七十二顏色如花紅一一

執樂器奏曲殊未終世傳桃源圖共徵彭澤翁此本出
異士雕刻尤精工天地極廣大為地當不同吾願學仙
道積久乃有功鍊形去滓穢五色浮虛空一朝乘風去
浩然入無窮

題桶底圖

元薛漢


蕊珠宮闕見毫釐中有羣仙按羽衣莫訢此圖天地窄
黍珠境界更希微

題桶底仙山圖

明顧祿

昔人夜投逆旅中戲將指爪呈神工颼颼逸響如颼風
桶底刻出蓬萊宮狀如六鼇擁虛空戴山出沒滄溟東
瓊臺瑤闕知幾重千門萬戶遙相通儼然中坐一老翁
星眸霞臉冰雪容羣真左右來相從或翳白鳳騎青龍
女仙七十如花紅各執樂器笙與鏞鈞天一曲奏未終
雙成勸酒琉璃鍾谷神長生壽無窮出入造化超鴻濛
我欲上天躡紫虹高步去逐東王公

御定歷代題畫詩類卷六十四



總校官庶吉士臣侍朝

校對官庶吉士臣陳文樞

謄錄監生臣趙友彬

欽定四庫全書薈要

集部

御定歷代題畫詩類卷六十五

欽定四庫全書薈要

御定歷代題畫詩類卷六十五目錄

仙佛類

釋迦出山息軒畫

金密公瑋

楊祕監釋迦出山像

金路仲顯

題龍眠釋迦出山像

元柳貫

題釋迦出山圖

元柳貫

獄中見壁畫佛

唐劉長卿



畫圖見金粟佛

宋黃庭堅

僕曩於長安陳漢卿家見吳道子畫佛碎爛可惜
其後十餘年復見之於鮮于子駿家則已裝背
完好子駿見遺作詩謝之

宋蘇軾

記所見開元寺吳道子畫佛滅度以荅子由

宋蘇

軾

題彌勒像

宋米芾

問蔡肇求李公麟畫觀音德雲

宋蘇轍

題劉氏所藏展子虔感應觀音 宋黃庭堅二首

醉作觀音像仍為書贊 宋白玉蟾三首

題辛澄蓮華觀音像應制 元揭傒斯

觀世音菩薩贊 明焦竑

規公業在淨名得甚深義僕近獲顧長康月宮真
影對戴安道所畫文殊走筆此篇以展瞻禮 唐

李羣玉

過廣愛寺見三學演師觀楊惠之塑寶山朱瑤畫

文殊普賢

宋蘇軾三首

將出洛城過廣愛寺見三學演師引觀楊惠之塑

寶山朱瑤畫文殊普賢

宋蘇轍三首

畫文殊普賢

宋蘇轍

武宗元比部畫文殊玄奘

宋蘇轍

貫休應夢羅漢畫歌

唐歐陽炯

題龍眠十八尊者

宋劉克莊

題羅漢過海圖

元吳澄

羅漢圖 元吳澄

渡水羅漢圖 元袁楠

羅漢圖 元袁楠

羅漢圖 元虞集

畫羅漢 元虞集

李公麟大阿羅漢圖 元吳鎮

題泰東山藏主十八開士圖 元張翥

畫羅漢 元李祁

題過海羅漢圖

元王循二首

題羅漢圖

元釋恕中

題楊子文羅漢渡海圖

明張以寧

題過海羅漢圖

明僧義金

次韻張仲舉承旨題盧楞伽過海羅漢圖

明僧來

復

過海羅漢應供圖

明僧來復

題景煥畫應天寺壁天王歌

唐歐陽炯

題徐商叟所藏李伯時四天王圖 宋王炎

梵隆護法神圖 元袁桷

僧傳古坐龍圖 元王惲

稠禪解虎圖 元王惲二首

水墨達磨像 元張翥

題達磨像 明張鳳翼

題寒拾圖 元袁桷

畫兩僮枕帚而睡疑是寒拾應人索咏 明徐渭

嶺南六祖禪師菩提樹下藏髮甕子圖歌 元吳萊

題李伯時畫船子和尚 宋王履道二首

跋船子和尚圖 元王惲

題趙千里畫船子和尚卷後 明王世貞

觀壁畫九想圖 唐包佶

鬼佛 宋朱子

梵隆畫番王獻佛圖 元吳師道

吳生畫 金趙秉文

謝人送栗鼠尾畫維摩 宋黃庭堅

楊惠之維摩像 金趙秉文

題李長者畫像 宋孔武仲

題帝王禮僧圖 明王世貞

題張僧繇醉僧圖 唐僧法照

題畫僧 唐張祜

畫醉僧 宋陸游

靈照度丹霞圖 元王惲四首

題僧圓澤託生圖

元吳澄

題本中峰觀蓮像

元倪瓚

題雪寺歸僧圖

元程鉅夫

秀上人課經圖

明劉泰

畫高嶺莫行僧衆

明徐渭

題王霽宇繡佛齋圖

明董其昌二首

欽定四庫全書薈要卷一萬九千一百七十三

集部

御定歷代題畫詩類卷六十五

仙佛類

釋迦出山息軒畫

金
密公璫

龐眉袖手出巖阿及至拈花事已訖
千古雪山山下路
杖藜無處避藤蘿

楊祕監釋迦出山像

金
路仲顯

自從此老出山隅
惱亂蒼生底事無
他日若逢楊處士

只教畫箇涅槃圖

題龍眠釋迦出山像

元柳貫

明星在天斜漢落佛道靈明魔道弱修行已證等覺位
不顧身形瘦如削華縵垂袒雲半肩步出山來赤雙脚
文殊低眉普賢笑滿谷天風韻天樂青蓮貼貼印虛空
白象眈眈係羈絡自茲應物如洪鈞五陰五濁皆清廓
龍眠昔是會中人以心應手親描摸纖煤利穎發其神
聖鼻鉤輪無此斲流傳什伯甲子餘玉采珠光破冥冥

鄮江古寺秋日暉洗滌翳晴煩發籥稽首調御天人師
優鉢曇華開一萼

題釋迦出山圖

元柳貫

耳輪卓朔髮垂肩碧眼初開濯淨蓮優塞波王先頂禮
明星一點正當天

獄中見壁畫佛

唐劉長卿

不謂冤獄處而能窺大悲獨棲叢棘下還見雨花時地
狹青蓮小城高白日遲幸親方便力猶畏毒龍欺

畫圖見金粟佛

宋黃庭堅

丹青貌金粟影毛物宜管城公只今為君落筆他日聽
我談空

僕曩於長安陳漢卿家見吳道子畫佛碎爛可惜
其後十餘年復見之於鮮于子駿家則已裝背
完好子駿見遺作詩謝之

宋蘇軾

貴人金多身復閒爭買書畫不計錢已將鐵石充逸少
更補朱繇為道玄煙熏屋漏裝玉軸鹿皮蒼壁知誰賢

吳生畫佛本神授夢中化作飛空仙覺來落筆不經意
神妙獨到秋毫顛我昔長安見此畫歎息至寶空潛然
素絲斷續不忍看已作胡蝶飛聯翩君能收拾為補綴
體質散落嗟神全志公彷彿見刀尺脩羅天女猶雄妍
如觀老杜飛鳥句脫字欲補知無緣問君乞得良有意
欲將俗眼為洗前貴人一見定羞忤錦囊千紙何足捐
不須更用博麻縷付與一炬隨飛煙

記所見開元寺吳道子畫佛滅度以答子由

宋
蘇軾

西方真人誰所見
衣被七寶從雙後
當時修道頗辛苦
柏生兩肘烏巢肩
初如濛濛隱山玉
漸如濯濯出水蓮
道成一旦就空滅
奔會四海悲人天
翔禽哀響動林谷
獸鬼躑躅淚迸泉
龐眉深目彼誰子
繞林彈指性自員
影如寒月墮清晝
空有孤光留故躔
春遊古寺拂塵壁
遺像久此霾香煙
畫師不復寫名姓
皆云道子口所傳
縱橫固已蔑孫鄧
有如巨鰐吞小鮮
來詩所誇孰與此

安得攜挂其傍觀

題彌勒像

宋 米芾

如來髓釋迦骨人不識彌勒佛

問蔡肇求李公麟畫觀音德雲

宋 蘇轍

好事桓靈寶多才顧長康何嘗為人畫但可設奇將久
聚要當散能分慰所望清新二大士界我夜燒香

題劉氏所藏展子虔感應觀音

二首

宋 黃庭堅

人間猶有展生筆佛事蒼茫煙景寒常恐花飛胡蝶散
明牕一日百回看

羣盜挽弓江簸船丹青當在普通前誰能與作赤挽板
老筆猶堪壽百年

醉作觀音像仍為書贊

三首

宋

白玉蟾

柳絮多頭緒桃花好面皮夫是之謂誰東海比丘尼
頂戴彌陀呈醜拙手持楊柳惹塵埃縱饒入得三摩地
當甚街頭破草鞋

花紅柳綠菩提相
燕語鶯啼般若宗
更去補陀山上覓
雲濤煙浪捲天風

題辛澄蓮華觀音像應制

元揭傒斯

至人不可測
宴坐青蓮華
珠纓被玉體
白豪貫彤霞
從何得此相
來置玉皇家

觀世音菩薩贊

明焦竑

菩薩法身無有邊
垂眉趺坐示人天
水灑楊枝生紫煙
神光晝夜籠層巔
慈悲普現衆目前
誰其苦難相糾纏

空山冥冥月映泉願同觀者心超然

規公業在淨名得甚深義僕近獲顧長康月宮真影對戴安道所畫文殊走筆此篇以展瞻禮

唐

李羣玉

五濁之世塵冥冥達觀棲心於此經但用須彌藏芥子
安知牛跡突東溟王公吐辯真無敵顧氏傳神實有靈
今日淨開方丈室一飛白足到茅亭

過廣愛寺見三學演師觀楊惠之塑寶山朱瑤畫

文殊普賢三首

宋蘇軾

寓世身如夢安閒日似年敗蒲翻覆卧破械再三連勸
客眠風竹長齋飲石泉回頭萬事錯自笑覺師賢

妙跡苦難尋茲山見幾層亂峰螺髻出絕澗陳雲崩措
意元同畫觀空欲問僧莫教林下意終老歎何曾

朱瑤唐晚輩得法尚雄深滿寺空遺跡何人識苦心長
廊敲雨脚破壁撼鐘音成敗無窮事他年復弔今

將出洛城過廣愛寺見三學演師引觀楊惠之塑

寶山朱瑤畫文殊普賢

三首

宋蘇轍

寺古依喬木僧閒正莫年為生何寂寞愛客尚留連
虛牖羅脩竹空廚響細泉坐聽談舊事遍識洛中賢

虛室無尋丈青山有百層迴峰看不足危石恐將崩
聽法來天女依巖老梵僧須彌傳納芥觀此信還曾

壁毀丹青在移來殿廡深賦形驚變態觀佛覺無心
旌旆翻空色笙竽含妙音風流出吳樣遺法到如今

畫文殊普賢

宋

蘇轍

誰人畫此二菩薩趺坐花心垂象後弟子先後執盂缶
老僧槎牙森比肩山林修道幾世劫顏貌偉麗如開蓮
重崖宛轉帶林樹野水荒蕩浮雲天峨眉高處不可上
下有絕澗錮九泉朝陽未出白霧起有光升天如月圓
靈仙居中粗可識有類白兔依清蹊遊人禮拜千萬萬
迤邐漸遠如飛煙五臺不到想亦爾今之畫圖誰所傳
吾兄子瞻苦好異敗繒破紙收明鮮自從西行止得此
試與記錄代一觀

武宗元比部畫文殊玄奘

宋 蘇轍

遺墨消磨顧陸餘開元一一數吳盧本朝唯有宗元近
國本長留後世模出世真人氣雍穆入蕃老釋面清癯
居人不惜遊人愛風雨侵陵色欲無

貫休應夢羅漢畫歌

唐 歐陽炯

西嶽高僧名貫休孤情峭拔凌清秋天教水墨畫羅漢
魁岸古容生筆頭時捎大絹泥高壁閉目焚香坐禪室
忽然夢裏見真儀脫下袈裟點神筆高握節腕當空擲

悉窳毫端任狂逸逡巡便是兩三軀不似畫工虛費日
怪石安排嵌復枯真僧列坐連跣趺形如瘦鶴精神健
頂似伏犀頭骨麤倚松根傍巖縫曲錄腰長身欲動看
經弟子擬聞聲瞌睡山童疑有夢不知夏臘幾多年一
手揩頤偏袒肩口開或若共人語身定復疑初坐禪案
前卧象低垂鼻崖畔戲猿斜轉臂芭蕉花裏刷輕紅苔
蘚文中暈深翠硬筇杖矮松床雪色眉毛一寸長繩開
梵筴兩三片線補衲衣千萬行林間亂葉紛紛墮一印

殘香斷煙火皮穿木屐不曾拖
笋織蒲團鎮長坐休公
休公逸藝無人加聲譽喧喧遍海涯
五七字句一千首
大小篆書三十家唐朝歷歷多名士
蕭子雲兼吳道子
若將書畫比休公只恐當時浪生死
休公休公始自江
南來入秦於今到蜀無交親
詩名畫手皆竒絕
覩繡凡人爭是人
瓦棺寺裏維摩詰
舍衛城中辟支佛
若將此畫比量看
總在人間為第一

題龍眠十八尊者

宋
劉克莊

嘗聞天台境肉身往無從仁夫示此圖恍惚游其中應
真一一若舊識或踞怪石臨飛淙山鬼投牒何敬恭天
女問法尤丰茸盆魚鬢鬣等針粟放去天矯擎空濛山
深無人地祇出被服導從侔王公前驅驚獸後夔魍徐
行殿以一瘦筇巉巖蒼壁謾謾松下有老宿眉雪濃石
橋滅沒雲氣斷似是鬼國非天宮層冰融結挾怒瀑毒
虺噴薄含腥風至人於此方入定壞衲冪首枯株同等
閒一坐六十劫汝技有盡吾無窮書生徃徃談性命怵

以禍福猶兒童倒持手版口勸進對此寧不面發紅我
知龍眠筆外意要與濁世鍼盲聾退之云釋善變幻愷
之謂畫能神通幻耶神耶兩莫詰與子持叩西山翁

題羅漢過海圖

元

吳澄

阿誰解衣磴礧羸寫此中乘第一果等閒地獄駭屠沽
如許風波無不可巨浸彌天靈怪百現前幻境元非我
騰踏逍遙容易去只有雲空無障裏般若岸金剛山超
登只在霎時間為吾說與諸尊者更有海門關外關

羅漢圖

元 吳澄

四大假合成幻身大地山河俱幻境傀竒礫砢十八尊
得遇世尊為摩頂諸多伎倆近狡獪雖未大乘亦機警
有能領取像外意閉目超然發深省畫人漫灑毫端墨
觀者只疑燈下影慈尊長閱衆生癡直到於今癡不醒
渡水羅漢圖

元 袁 楠

洞口泉分岸渺茫意行的的水中央相看總絕神通想
不用折蘆歸故鄉

羅漢圖

元表楠

四果圓融德自如天台樓閣總虛無
何人繪畫供青眼拍手雲中笑客愚

羅漢圖

元虞集

神光炯炯視容直坐展兩足手按膝
雨龍還入軍持水風衣拂著磐陀石
深山海島非人間碧桃花開啼鳥閒
法雲還為等慈起矍然飛錫無留難

畫羅漢

元虞集

虎嘯千山木葉空
晴空無處著神通
蒼龍浴罷軍持水
閒翫明珠似日紅

李公麟大阿羅漢圖

元 吳鎮

瀟灑龍眠不可呼
彩毫猶喜未模糊
天台五百知何處
還向圖中證有無

題泰東山藏主十八開士圖

元 張翥

環瀛茫茫去不窮
大鯨吹浪鼓颶風
樓船如山不敢過
沉在泛葦浮蕉中
西方十八大尊者
徑渡萬里猶乘空

犀行水開蛟蜃露直下蹋入天吳宮
龜魚背高孟錫穩中流正與靈槎同
怪頭達枿四罔象一簞舁出龐眉公
鼻端噓氣作飛塔舌上彈呪招降龍
兩僧促膝披貝葉一衲裹足湏山童
雪毛白鹿岐角健班尾黑虎雙睛紅
最後坐禪如古佛從渠搏控何神通
吾聞浮屠多善幻作詩自賞畫者工
君不見海波橫潰鬼神惡我無其術
安能東

畫羅漢

元李祁

空山極寂闌自足斷緣想況此山中人智識已超朗坐
久忘朝晡習定非勉強豈惟人所知異類亦欽仰乃知
象教力兼用服夔魍嗟嗟世中人擾擾向塵網叩爾寂
無言何由測深廣

題過海羅漢圖

二首

元王循

無際洪波接遠空神機密運訪龍宮旌幢出迓煙霞重
此事荒唐竟莫窮

超塵何必眷情交棄却禪心躡海濤來往不殊商賈慮

瑤池又恐宴蟠桃

題羅漢圖

元釋恕中

諸諦空來世所無神通百遍絕名模不知何處留蹤跡
却被人傳作畫圖

題楊子文羅漢渡海圖

明張以寧

天台之東巨瀛海濛濛元氣浮無邊應真十六山中來
徑渡萬里蛟鼉淵巨靈前驅海若伏翠水帖帖開紅蓮
神螭猛獸競軒翥穹龜巨魚相後先一山浮玉當其前

石室古蘚垂千年異人高居役衆鬼挽過巨浸如飈旋
貝宮神君迎且拜明星玉女爭花妍陰風黯淡百怪集
芙蓉旂影飛翩翩石橋迴望渺何處紫翠明滅空雲煙
問渠飛錫何所往母乃驚嶺朝金仙金仙雪山方宴坐
笑汝狡獪何紛然書生平生未省見太息此畫人間傳
清時麟鳳在郊野白日杲杲行青天

題過海羅漢圖

明
僧義金

大地山川境界寬重重涉入一毫端乾坤杖錫飛來去

巨海昇孟勢往還伏虎降龍霞靄靄騰空履漢路漫漫
唐吳寫出聲聞蹟妙用通神幾萬般

次韻張仲舉承旨題廬楞伽過海羅漢圖

明僧來復

僧伽神變妙莫窮去住隱顯如旋風能令大海作平陸
超然獨脫閻浮中山君河伯備灑埽錫飛栢渡雲行空
安禪不避魔鬼窟受齋直入龍王宮文犀赤豹時作伍
玄猿白鹿日與同騰光噓氣閃奔電天鼓震曜驚雷公

世人雖呵小乘法誰獨高舉隨雲龍我昔衡山問方廣
石橋每見馱經童天妹散花跪雙膝金盤突捧明珠紅
開圖恍忽覩顏色山海遙隔精靈通那知畫者有深意
丹青巧奪造化工君不聞幻游天地同旅泊我身安得
駕鶴從西東

過海羅漢應供圖

明僧來復

大士受齋龍伯官長驅蛟鰐爭先雄舳艫蔽天不敢渡
冰夷伐鼓洪濤春騰身何來歷汗漫無乃變幻多神通

兩僧後顧冰雪容浮蕉近隨赤鯁公雲端噓氣作樓閣
赤日照耀青芙蓉中有四鬼舁一翁雪眉垂領衣露胸
海神候謁旌旆從赤珠吐燄流星虹跨鰲之叟癯而癯
手扶七尺邛州筇是誰彈舌呪老龍火髻電鬣燒雲紅
五輪舒光迸五色一葦直渡猶行空前登頗忒定初起
欠伸展臂來清風跼龜騎魚走百怪擔簦負笈趨羣童
入山咫尺見臺殿彷彿微聽青林鐘開圖對我若舊識
便欲巢我雲門松世間浮榮日萬態過眼聚散空花同

誰知神變亦虛幻徒逞狡獪驚盲聾何如乘願降跡間
浮中法雷大震開羣蒙王城分衛飽香積坐令四海歌
時雍

題景煥畫應天寺壁天王歌

唐
歐陽炯

錦城東北黃金地故跡何人興此寺白眉長老重名公
曾識會稽山處士寺門左壁圖天王威儀部從來何方
鬼神怪異滿壁走當簷颭颭生秋光我聞天王分理四
天下水晶宮殿琉璃瓦綵仗時驅狒狒裝金鞭頻策騏

驎馬毗沙大像何光輝手擎巨塔凌雲飛地神對出寶
餅子天女倒披金縷衣唐朝說著名公畫周昉毫端善
圖寫張僧繇是有神人吳道子稱無敵者奇哉妙手傳
孫公能於此地留神蹤斜窺小鬼怒雙目直倚越狼高半
霄寶冠動總生威容趨蹌左右來傾恭臂橫鷹爪尖纖
利腰纏虎皮斑剝紅飄飄但恐入雲中步驟還疑歸海
東蟒蛇拖得渾身墮精魅搦來雙眼空當時此藝實難
有鎮在寶坊稱不朽東邊畫了空西邊留與後人教敵

手後人見者皆心驚盡為名公不敢爭誰來未滿三十
載或有異人來間生匡山處士名稱朴頭骨高竒連五
嶽曾持象簡累為官又有蛇珠常在握昔年長老遇竒
蹤今日門師識景公興來便請泥高壁亂搶筆頭如疾
風逡巡隊仗何顛逸散漫竒形皆湧出交加器械滿虛
空兩面或然如鬪敵聖王怒色覽東西劒刃一揮皆整
齊腕頭獅子咬金甲脚底夜叉擎絡鞵馬頭壯健多筋
節烏觜彎環如屈鐵遍身虵虺亂縱橫遶頷髑髏乾子

裂眉麤眼豎髮如錐怪異令人不可知科頭巨卒欲生
鬼半面女郎安小兒况聞此寺初興置地脉沈沈當正
氣如何請得二山人下筆咸成千古事君不見明皇天
寶年畫龍致雨非偶然包含萬象藏心裏變現百般生
眼前後來畫品列名賢唯此二人堪比肩人間是物皆
求得此樣欲於何處傳嘗憂壁底生雲霧揭起寺門天
上去

題徐商叟所藏李伯時四天王圖

宋王炎

龍眠有巧手幻出汗血駒老衲或戒之回向心地初遂
畫白衣仙靳與梵釋俱北方四天王亦附瞿曇居雜以
馬龍像宿習終未除四王名字異且復形狀殊信者謂
其有疑者意其無蕩蕩天門高誰能凌空虛何以信不
疑取諸貝葉書子不語怪神從釋恐叛儒語之且不可
筆之其可乎因畫議及此於公意何如

梵隆護法神圖

元表楠

威音無喜亦無嗔
獐目揚眉定有因
欲識世間平等觀
雲如流水月如輪

僧傳古坐龍圖

嚴東平所藏至元二年秋九月張
蕋省耀卿處觀七年閏十一月甲

戌公退馬上偶得時
秋苦旱冬天無雪

元王惲

深山大澤物所蟄
千丈懸淙掛青壁
潭陰水黑不見底
老雨初開元氣濕
蒼龍何處行雨歸
闖首踞坐紅雲堆
山僧駭絕噤不語
萬壑陰霧生緇衣
咄哉傳古隱龍性
隔戶寫影窺天機
一從元化墮此筆
飲海不復觀晴霓

世間畫本萬尺蠖尾鬣一掩無晶輝比年一旱幾焚如
牲幣空事山川雲羣龍癡睡洞府黑六合任使黃霾汚
何當鐵匣出雷火衝屋而去騰天衢六丁奔命僕射御
倒捲溟渤天瓢斟滂沱一洗乾坤淨却歛神功寂若無
稠禪解虎圖 二首
元王惲

宋均政異於菟去魯宰風行野雉馴誰為碧巖方外客
等閒藜杖也通神

楞嚴堆案滿凝塵山下閒來解虎紛千古阿師公案在

寶香熏徹百巖雲

水墨達磨像

班惟志筆

元張翥

佛法無多子西山雪柱天應尋葱嶺去方解少林禪
屨露雙脚罽衣披半肩虛空本無住須借影中傳

題達磨像

明張鳳翼

速去渡江一葦淹留面壁九年試問遊梁入魏幾時却
返西天

題寒拾圖

元袁楠

二人攜手共嘲吟古殿脩廊自在尋石壁忽開靈怪絕
可禁飛瀑海潮音

畫兩僮枕帚而眠疑是寒拾應人索味

明
徐渭

人間何日不塵生掃到何年掃得清輸與天台雙行者
睡彎茗帚午雞鳴

嶺南六祖禪師菩提樹下藏髮甕子圖歌

元
吳萊

蘄州黃梅峙佛場新州獨獠識水香菩提樹間好晏坐
五色頭髮騰毫光金刀剔落受法戒瓦甕瘞藏傳不壞
捩迴萬夫轟梁棟陶冶千聖掀爐鞴南海標來刹十圍
北宗望斷六銖衣塵境本空空即本風幡飛動動還非
山僧禮拜山鬼護一花五葉開如故寶縷青懸雪嶺煙
神珠紺結丹丘露世人長物合剷除謝公往矣施髭鬚
唐年畫筆石未泐大鑒壇經誰讀得

題李伯時畫船子和尚

二首

宋

王履道

等箇魚兒久未逢滿船明月一絲風離釣三寸誰開口
打落掀天白浪中

一橈打省猶回首露布須收人與船不著釣絲牽老會
却留岸斗付龍眠

跋船子和尚圖

元王惲

戢戢波間萬鮪遊一釣那得盡回頭何如收却綸竿坐
明月千江任自由

題趙千里畫船子和尚卷後

明王世貞

秋江戰寒飈一葉縱橫走船子有伎倆舵柄時在手借
問自渡者還能渡人否

觀壁畫九想圖

唐
包佶

一世榮枯無異同百年哀樂又歸空夜闌烏鵲相爭處
林下真僧在定中

鬼佛

宋
朱子

冥濛罔象姿相好菩薩面鬼佛吾豈知水石翫奇變

梵隆畫番王獻佛圖

元
吳師道

如來宴息雙跏趺碧海涌座紅蓮敷身如浮雲與枯枝
一毫無有寧願餘不知何國被服殊緩耳卷髮黃虬鬚
狡獬巨象先後驅寶盤五色摩尼珠歸誠贊貢陳區區
拱手偃立顏和愉分明神化羣情趨眇然韋布一懦夫
乃獨抗論非空無見之不肯修勤劬羣嘲衆嗤謂爾愚
作詩三歎還君圖

吳生畫

金趙秉文

吳生大士十六像歲久塵昏蛛網絲真物從來有真賞

息軒為作証明師

謝人送栗鼠尾畫維摩

宋
黃庭堅

貂尾珍材可筆虎頭墨妙疑神頗知君塵外物真是我
眼中人

楊惠之維摩像

金
趙秉文

一默傳心已失機更求形似轉成癡至今遺像兀不語
猶似當初問法時

題李長者畫像

宋
孔武仲

礪砢一居士娉婷雙少年對景如無有著書方浩然分
身聊示頸誰語此因緣

題帝王禮僧圖

明
王世貞

昔有龐眉師九載面石壁置心諸地外人天杳俱寂經
猿六時拜談鳥掌中食日出天地開藹然旌旗色襯施
填恒河結束儼帝釋雖屈萬乘尊對者了不識一吐無
聖言頓掃有為跡歸路甘雨移青林杏花白

題張僧繇醉僧圖

唐
僧法照

人人送酒不曾沽終日松間掛一壺
草聖欲成狂便發真堪畫入醉僧圖

題畫僧

唐張祐

瘦頸隆肩碧眼僧翰林親讚虎頭能
終年不語看如意似證禪心入大乘

畫醉僧

宋陸游

殘雪覆枯顱手扶短柳栗送酒無蘇州
一醉未易得青旗獵獵秋風吹長瓶一吸亦足奇
但辨道傍常醉倒不

須解作藏真草

靈照度丹霞圖

四首

元王惲

衆生種業到無該
愛海沈迷喚不回
對證處方唯一捨
不應真假比如來

西江萬有已沈沙
更有何心到散花
狼似入門三十棒
款將一語了丹霞

性定情移逐物開
力能剛制見英才
金沙灘畔風流骨
恐是逢場作戲來

克已先論定力優從今屋漏驗清脩
禪家多少閒拈弄
糞埽堆頭覓悟頭

題僧圓澤託生圖

元 吳澄

浮泡散作大海水皎月長留萬古秋
幻滅何如重起幻
不騎獅象却騎牛

題本中峰觀蓮像

元 倪瓚

東南唱道據禪林諷咏蓮心契本心
善矣不塵仍不染
美哉如玉復如金
三周妙法耆闍崛十丈開花玉井岑

今日仰師猶古佛風波回首一長吟

題雪寺歸僧圖

元程鉅夫

石頭元路滑更著雪皚皚不敢辭辛苦諸方應供來

秀上人課經圖

明劉泰

山繞清溪樹繞亭隔雲金磬曉泠泠道人不管花開落
白乳香中讀觀經

畫高嶺莫行僧衆

明徐渭

知是峨眉第幾盤客僧愁宿日低山頭陀指與煙生處

只隔紅霞四五灣

題王霽宇繡佛齋圖

二首

明

董其昌

翦得吳淞水半江
靈山突兀走閒窗
鐃歌即是廣長舌
大纛豈非精進幢

兵符受自城邊石
心印傳來嶺上衣
拈出齊東青一點
何來神物却能飛

御定歷代題畫詩類卷六十五